



UNIVERSITÄTS-
BIBLIOTHEK
PADERBORN

Praxis Et Brevis Declaratio Viæ Spiritvalis

Palma, Luis de la

Antverpiae, 1634

Meditatio de amore Dei, & textus huius Exercitij.

[urn:nbn:de:hbz:466:1-60472](#)

Meditatio de amore Dei.

AD maiorem huius quartæ Septimanæ notitiam , hodie institui potest Exercitium de amore Dei, vt in fine quartæ Septimanæ Exercitiorum S. Patris nostri habetur.

Textus Exercitiorum sancti Patris nostri sic habet :

Contemplatio ad amorem spiritualis in nobis excitandum.

IN primis duo notanda sunt. Primum , Quod amor ipse ab operibus magis quam à verbis pendet. Secundum , Quod amor consistit in mutua facultatum, rerum & operum communicatione , puta scientiæ , diuitiarum , honoris , & boni cuiuscumque.

ORA-

ORATIO p̄mittitur ex more.

PRAELVDIVM PRIMVM est,
vt coram Domino, Angelis Sanctisq;
omnibus mihi propitiis stare me vi-
deam.

SECVNDVM, vt gratiam Dei ef-
flagitem, per quam beneficiorum eius
in me collatorum magnitudinem per-
spiciens, ad amorem, cultum & ser-
uitium ipsius totum me impendam.

PVNCTVM PRIMVM sit, reuoca-
re in memoriam beneficia creationis ac
redemptionis, dona itidem particularia
seu priuata enumerare, & cum intimo
affectu perpendere, quantum meâ cau-
sâ benignissimus Dominus egerit at-
que pertulerit; quantum mihi elargi-
tus sit de thesauris suis, quodque,
iuxta diuinum suum decretum et) be-
neplacitum, seipsum mihi, quantum
potest, donare velit: quibus optimè

in-

inspectis, vertar ad meipsum, et
disquiram mecum quæ meæ sint par-
tes, & quid æquum iustumque sit
ut diuinæ offeram & exhibeam Ma-
iestati; haud sanè dubium, quin mea
omnia offerre debeam ac meipsum cum
summo affectu, et verbis huiusce-
modi vel similibus: Suscipe Domine
uniuersam meam libertatem; accipe
memoriam, intellectum atque volun-
tatem omnem. Quidquid habeo, vel
possideo, mihi largitus es; id tibi to-
tum restituo, ac tuæ prorsus volun-
tati trado gubernandum: amorem
tui solum cum gratiâ tuâ mihi dones,
& diues sum satis, nec aliud quid-
quam ultrâ posco.

SECUNDVM erit, Speculari
Deum in singulis existentem creatu-
ris suis; & elementis quidem dan-
tem, ut sint; plantis verò, ut per
vege-

vegetationem quoque viuant; animalibus insuper, vt sentiant; hominibus postremo, vt simul etiam intelligant: inter quos accepi & ipse uniuersa hæc beneficia, esse, viuere, sentire ac intelligere; meque templum quoddam suum efficere voluit, ad imaginem suam & similitudinem creatum. Ex quorum omnium admiracione, reflexus in meipsum, agam vt in primo Puncto, vel melius si quid occurrerit. id quod in Punctis etiam sequentibus erit factitandum.

TERTIVM est, Considerare eundem Deum ac Dominum propter me in creaturis suis operantem & laborantem quodammodo, quatenus dat ipsis, conseruatque id quod sunt, habent, possunt atque agunt. quæ omnia, vt supra, in mei considerationem reflectenda erunt.

QVAR-

QVARTVM, Prospicere quo
paetō munera & bona omnia cælitus
descendunt, ut sunt potentia, iusti-
tia, bonitas, scientia, & alia quælibet
humana perfectio terminis quibusdam
certis circumscripta, quæ ab infinito
illo totius boni thesauro, sicut lumen à
sole, & ex fonte aqua, deriuantur.
Addenda supereft reflexio prædicta
in mei circumspectionem: colloquium
etiam in fine fiet, terminandum cum
Pater noster.

Declaratio huius Exercitij.

NOTA PRIMA.

INITIO huius contemplationis duæ
ponuntur Notæ: quarum prima
desumpta est ex Proverbio Hispanico,
Amor in rebus, non verbis consistit; &
ex eo quod dicit Apostolus 1. Ioan. 3.
*Filioli mei, non diligamus verbo, neque
linguâ,*